

Antonio Manca

S'IMBIADU

Premio speciale della Giuria (Logudorese)

Inghiriadu da oghes festantes
de pagos pizzinneddos seberados
dae sos cumitados
fattos apposta po s'occasione
s'Imbiadu in persone
est bennidu fra nois emigrantes.

E s'agattat cuntentu, narad issu,
ca sa sorte l'a fattu messazeri
in logu foristeri,
a nd'attire unu pagu e isperansia.
Rimbomban in s'istansia
sas promissas, c'an atteros promissu.

– Sa Patria, bos tenet in su coro
ca sezis sos dilettos fizos suos –
tando, si pesan duos,
duos ibbia, a zocadas de manu,
faghen pagu baccanu...
Biado' a issos, e su creere insoro.

Sighit assaborende su zigarru
isfozzat su paperi preparadu
c'atteros l'ana dadu,
e si sentid fieru, ma sa zente
posta in cuss'ambiente
burdellat, malaittu su catarru!

Intantu, si che colat sa serada,
cun su mattessi tonu, sempre cussu,
si pinnigat su brussu:

– Est ora e nos lassare, m'addoloro...
 Bo che juto in su coro,
 sa missione mia est terminada.

L'INVIATO

Circondato dalle voci festose di uno sparuto gruppo di bimbi “racimolato” dal Comitato, per l'occasione, l'inviato, in persona, è venuto fra noi emigrati.

Ed è proprio contento – come dice – che la sorte gli abbia affidato il compito di essere messaggero di speranza. La sua voce rimbomba nella stanza promettendo ciò che altri avevano promesso.

– La Patria vi tiene dentro il cuore perché voi siete i suoi figli dilette –. Allora si alzano due – proprio due – e battono, battono le mani. Ma non fanno baccano. Beati loro che ancora credono...

E lui continua assaporandosi il sigaro, leggendo i fogli del discorso preparato, che gli avevano passato, e si sente proprio fiero. Ma la gente commenta, raschia con la gola (maledetto catarro!).

Intanto si fa sera, e lui continua. E lui parla, con lo stesso tono, sempre quello... Poi sbircia il polso: – E' ora che vi lasci, sono addolorato vi porto dentro il cuore, la mia missione è compiuta –.